

*Imperium ma-
jorum.*

Urbes.

qui non vento vescuntur, ut multi prodiderunt, quamvis ij integro anno sine esca perdurare possint. Per universam vero Ægyptum, Pulli gallinacei a Matre excludi non solent: sed Fornaces artificiose exstructas habent, in quibus tria aut quatuor Ovorum millia reponunt: quorum calorem ita temperare norunt, ut omnia Ova simul excludantur. Quod & Antigonus, Aristoteles, & Plinius de Ægyptijs prodiderunt. Metallis insuper Regio hæc perpetuo abundavit. Cæterum universa olim Ægyptus floruit sub varijs Regibus diversorum nominum usq; ad *Ptolemæos*: nam *Pharaones* admodum pauci fuere. *Ptolemæi* longo tempore regnarunt, usq; ad Romanorum Imperium, quo præfracto res Ægyptia pervenit ad *Agarenos* Arabiae Felicis, quorum Princeps *Sultanus* fuit dictus, & alij sequentes quoque vocati sunt *Sultani*, Mahumetani omnes, regnarunt multis annis, donec a Turcis expugnati fuerunt. Possidet jam totam Ægyptum *Solimannus* Turca, relicto ibi Præfecto, qui *Baxa* Ægypti dicitur. Divisa fuit ab Alexandro Macedone in Nomos sive Opidorum Præfecturas, quales Herodotus ponit xvii. Strabo unum amplius. Ptolemæus xlv. Plinius l. qui & addit quosdam nomina permutasse, ut proinde non sit putandum tot Ægypti olim Præfecturas fuisse, quot apud Historicos nomina possunt colligi, quum ejusdem Præfecturæ plura nomina esse potuerint. Leo Africanus auctor est a Mahumetanis in tres Provincias divisam esse. *Sahia* quæ est superior sive *Thebais*, à finibus Bugiæ ad Cairum usque. *Erisiam*, quæ est pars Occidentalis a Cairo ad Rosetum: & *Maremnam* quæ est pars Orientalis. Urbes Ægypti sub Amalide creduntur fuisse xx mille. Diodorus tria millia suo ævo superfuisse testis est. Celeberrimæ fuerunt *Syene*, *Thebe*, quæ & *Diospolis*, *Tentyra*, *Heliopolis*, *Memphis*, *Babylon*, *Alexandria*, *Pelusium*. *Syene* nunc *Assua* dicitur: Sita sub Tropico Cancris: Hic, teste Plinio, puteum habuerunt Mathematici profundissimum, quem rectis lineis sol totum illustrabat, quum esset in principio Cancris. Quo respexit Lucan. lib. 11 *Umbras nusquam flectente Syene*. *Thebe* condita a Busiride Rege ambitu cxi stadiorum, ut refert Herodotus, centum portis, alijsque ædificijs publicis privatisque insignis, quæ jam olim esse desijt: adeo ut recte Juvenalis scripserit satyra xv his versibus:

Atque vetus Thebe centum jacet obruta portis.

Et Propertius Lib. 11.

*Magni saepe Duces, magni cecidere tyranni,
Et theba steterant altaque troja fuit.*

Tentyra ab Insula Nili nomen habet: Incolæ *Tentyritæ*, qui naturæ genio Crocodilis adversi sunt: qua de re apud Strabonem & Plinium videre est. *Heliopolis*, olim Sacerdotum habitatio, Straboni Hominum Astronomiæ & Philosophiæ deditorum mansio. *Memphis* olim *Arsinoe*, regia urbs, ubi Nilus primam accipit divisionem & Δ formam facit. Hanc hodie vocant *Cairum* vel *Alcair*. Urbs est triangulari forma exstructa, ambitu secundum nonnullos xi v seu xv Milliariū. Templorum continet viginti duo millia, quinquies major Lutetia, ut refertur Tomo 11 Urbium Orbis terræ illustrium, in aliquot quasi partes Urbes & Regiones divisa, ita tamen ut cunctæ contextæ cohæreant. Arce instructa tam spatiosa, ut par magnitudine Lipsiæ esse existimeretur. Incolunt eam Turca